

Pirtol Nootoo Jabii

Nootoo jabii dum annduki, naa doola, e narral dido be fuu dow be anndindirki gorko e debbo. Waaway nootoroo wolde malla kuugal, to ni wolde nden malla kuugal ngal laabbini jabii anndindirki gorko e debbo wadde. De'itoo malla sala wanyuki, nder e wakkati maajum, hollaayi nootake. Pirtol nooto feerootiraa no anndindirki gorko e debbo woni e no o eltira e tagdi maako malla holluki tagdi.

Nootoo ngam anndindirki fuu hakkunde malla e moye fuu naa doole laaroo dum goddo jabii anndindirki.

E dum yidi jabuki neddo tabbitinee tawon ko to laatake giddo on e wuyki ngam mukkaaki modeteede e/malla koyinka.

Neddo waaway nootoo arande amma waaway wanya nde yidi fuu.

Jabuki walaa to ni neddo laatake naa yo jamo, soynde njamu laatiingu walaa no o jabira anndindirki gorko e debbo. Soynde njamu ngun laatooma fekkora malla e daanii, anndaa ko wadata, malla to naa non o jabataano. Anndaaka no wuykere nden woni, neddo guykudo ngam koyinka, mukkaaki gabbe, malla fuu ko wuykinta ngam maajum walaa no jabira.

Jabuki tabbitintaake to ni ngam daliila dooleeki, hulneeki, semmbe, malla huluki taa nawnee.

To ni jabuki yeddaama malla wanya fewfew, anndindirki gorko e debbo doole accee.

Njobdi gila Yaafuye Soynde Hakkilo ngam Modeteede e Koyinka

Njamu e rentaare pukaraajo fuu to Rockland Community College e woodi bote masin. RCC faamii fukaraabe yarooobe e/malla naftirgo modeteede (koo yaruki-de e anndaagal malla naa anndaagal) wakkatiire bonne de'e, hawtaade amma naa to bonne wuro, bonne yiiduki, suuduki, malla dooluki anndindirki wadii kadin e mijii anndina ko fofi ngam kulol ko jokkotoo ngam ko wadi. RCC pukaraabe e semmbidinee anndina hukuma bonne wuro, bonne yiiduki, suuduki, malla dooluki anndindirki. Giido kadin nder goonga maako malla nanudo e anndina nder goonga maako fuu bonne wuro, bonne yiiduki, suuduki, malla dooluki anndindirki RCC hukuma malla hakkilanoobe keeri kollataake RCC's njabii keeri dow yaruki koyinka e /malla keeri dogginirde modeteede to malla haade wakkatiire bonne wuro, bonne yiiduki, suuduki, malla dooluki anndirki gorko e debbo.

Hakke Pukaraajo

Fukaraabe fuu e ngoodi hakke:

Anndina hakkilanoobe keeri e/malla taadiibe jihaawol;

Suncita bonne wuro, bonne yiiduki, suuduki, e daranaaki dooluki anndindirki gorko e debbo;

Habba anndina malla de'oo dow bonne malla yabbaaki keeri kadin wona nder haala kiita malla fudda e/malla tokka haala hiituki naa e doolere to hukuma;

Tawee nder datal adilaaku, naa yidana hoore, e kadin anndinol keyungol e dabare naneeki;

Mawninee kadin jabiree nder mawninki, hoolaare, e needi to njamu e saaworeeki, to woodi;

Taa tawee nder sawora ngodka kollooha anndindo aybii ndaa boo bonne de'e e yabbaaki keeri tabbitii, malla wi'ee wadii goddum feere ngam hada bonne den malla yabbaaki keeri;

Tinndin wakiili'en hukumaaji nanngudi huunde nden no wadotoo amma naa wi'a wi'ita ngam tinndinki huunde nden.

Faddee waataaki hukuma, pukaraajo goddo, aybufo e/malla noototoodo, e/malla higuraabe mabb, besngu e anndube-be hakkunde hukuma kan;

Heba bano juggal naneeki ko nakkayyi go'ootal;

E yaada e saaworoowo mo neddo subu balloowo kadin saaworoowo neddo anndinoowo, aybufo, malla noototoodo to hiitordu malla tokkoowo haala hawtaade wakkatiire kawre e naneeki dow ko nanngi;

Dalee holla hakke muudum e tokkuki diina billa walaa to lincitoobe, kiita dow bonne, malla hukuma kiita malla datal jahargal ngal.

Hakke kuutiniree naa e peerootal lara, noonde, asungol lesdi, diina, ko tokki, duubi, nakkere, debbo/gorko, tagdi malla ko subu, elto anndindirki debbo e gorko, darnde besngu, saawdu, no tagdi bannu woni, darnde taadaaku, darnde mo bonne wuro, malla mo kiita hiitii aybi e ko aybe den malla yabbaaki keeri to janngirde wada, to yaasi malla e jangga to lesde yaasi.

Hakke maada anndina Taadiibe Jaami'aare malla Reenoobe Janngirde, Reenoobe Anndaabe e/malla Taadiibe Jihaawol malla calaa anndinki; anndina janngirde moodon; hukuma fadde waatotoobe ngam a anndinii ko fofannde nden; e kadin keba walliinde e baawde to janngirde maada.